

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO/TUŽITELJSTVO
ZENIČKO-DOBOJSKOG KANTONA
Broj: 06-03-8-04-52/21
Datum: 12.02.2021. godine

Kantonalno tužilaštvo Zeničko-dobojskog kantona i Visoko sudsko i tužilačko vijeće Bosne i Hercegovine zaključili su Memorandum o saradnji u zajedničkoj realizaciji projektnih aktivnosti u okviru projekta **"Podrška pravosuđu Bosne i Hercegovine – Jačanje tužilačkih kapaciteta u sistemu krivičnog pravosuđa"**, faza 3. Navedeni memorandum predviđa angažman izvršilaca odgovarajućih kvalifikacija koji će pružati stručnu, administrativnu i drugu pomoć tužiocima i stručnim saradnicima u rješavanju starih predmeta, u cilju unapređenja efikasnosti rada Tužilaštva, smanjenjem broja neriješenih predmeta iz ranijih godina.

U skladu sa navedenim, Kantonalno tužilaštvo Zeničko-dobojskog kantona objavljuje:

JAVNI POZIV

**zainteresovanim licima za privremeni angažman u
Kantonalnom tužilaštvu Zeničko-dobojskog kantona**

Kantonalno tužilaštvo poziva zainteresovane kandidate da dostave svoje prijave za poziciju **Pravni saradnik (diplomirani pravnik).....jedan (1) izvršilac.**

Opis poslova: izrada sažetaka starih neriješenih predmeta sa osvrtom na poduzete radnje i prikupljene dokaze sa prijedlozima daljeg djelovanja; izrada nacрта pravnih podnesaka s ciljem donošenja konačne tužilačke odluke u predmetu; učešće u radnim sastancima koji su u direktnoj vezi sa postupanjima i konačnim rješavanjem konkretnih starih predmeta; obavljanje stručne i administrativne pomoći u svim ostalim postupanjima tužilaca iz djelokruga rada tužilaca i stručnih saradnika; obavljanje svih ostalih zadataka po nalogu i instrukcijama postupajućeg tužioca s ciljem završetka predmeta.

Uslovi: VSS, VII stepen, Pravni fakultet ili visoko obrazovanje stečeno po Bolonjskom sistemu studiranja sa najmanje 240 ECTS bodova - pravne struke, najmanje jedna (1) godina radnog iskustva, poželjan položen pravosudni ispit i odlično poznavanje krivičnog, materijalnog i procesnog prava.

- Kantonalno tužilaštvo Zeničko-dobojskog kantona formirat će internu komisiju koja će izvršiti pregled i selekciju svih zaprimljenih prijava. Sa kandidatima koji uđu u uži izbor obaviti će se intervju radi konačnog izbora najboljih kandidata, uz prisustvo predstavnika Projekta VSTV-a BiH.
- Specifična iskustva kandidata mogu biti predmetom ocjene komisije za izbor, te se podstiču kandidati da dostave i dokumentaciju koja pozitivno može utjecati na rangiranje kandidata.
- Kandidati prilikom prijave mogu dostaviti skenirane primjerke dokumenata, a od izabranih kandidata tražiti će se prednošenje originalnih dokumenata.
- Sa odabranim kandidatima, nakon prednošenja originalnih primjeraka potrebne dokumentacije, zaključit će se ugovor o djelu na period do 31.12.2021. godine, sa mogućnošću produženja ugovora, najduže za period trajanja Memoranduma o saradnji u zajedničkoj realizaciji projektnih aktivnosti u okviru projekta "Podrška pravosuđu u BiH –Jačanje tužilačkih kapaciteta u sistemu krivičnog pravosuđa", faza 3.

Prijavu sa kraćom biografijom i dokazima o ispunjavanju traženih uslova kandidati trebaju dostaviti najkasnije do **20.02.2021. godine** isključivo elektronskim putem na e-mail adresu: kt-zenica@pravosudje.ba



GLAVNI TUŽITELJ

Vesna Kaknjo